

**Akademi Pengajian Islam Kontemporari (ACIS)
UiTM Cawangan N. Sembilan**



اَبُو مُسَيْبٍ تَكْوَلُ الْكَلِمَ الْبَارَا
**UNIVERSITI
TEKNOLOGI
MARA**

Buletin ACIS

eISSN: 2600-8289

Syaaban / Ramadan 1439 — Mei / Jun 2018

Bil: 04 / 2018

<<Fokus Keluaran ini>>

*“Peranan Pemimpin Sebagai
Pentarbiyah Utama*

*“Peranan Golongan Ulama’ /
Ilmuwan*

“Peranan Golongan Umara”

“Program i-SiT 2018”

”Adab Seorang Murid”

SIDANG REDAKSI

Penaung:

Prof. Dr. Nasrudin Mohammed
(Rektor)

Penasihat:

Hisam Satari
(Ketua Pusat Pengajian Acis)

Editor:

Mu'allim Bin Mohd Bakri

Sidang Pengarang:

Nor Saadah Binti Musa
Siti Aishah Binti Sokhibul Fadil
Mu'allim Mohd Bakri

PENERBIT

UiTM Cawangan Negeri Sembilan
Kampus Seremban
Persiaran Seremban Tiga/1,
70300 Seremban 3,
Negeri Sembilan, Malaysia

Pengantar Redaksi

Assalamualaikum dan Salam Sejahtera kepada pembaca budiman sekalian. Alhamdulillah, Buletin ACIS siri kesembilan atau siri keempat yang mempunyai e-ISSN ini berjaya diterbitkan. Tajuk Fokus bulan ini adalah **“Peranan Pemimpin Sebagai Pentarbiyah Utama”**. Semoga, buletin ACIS ini dapat memberi manfaat kepada para pembaca dan warga UiTM semua. Selamat membaca.

Isi Kandungan

- ⇒ Peranan Pemimpin Sebagai Pentarbiyah Utama (3)
- ⇒ Peranan Golongan Ulama' / Ilmuwan (3)
- ⇒ Peranan Golongan Umara' (4)
- ⇒ Program i-SiT 2018 (7)
- ⇒ Lensa Sekitar Program Agama (9)
- ⇒ Adab Seorang Murid (12)

Jika berminat untuk menghantar sebarang artikel atau komen, boleh email ke buletin.acis.n9@gmail.com atau muallim@ns.uitm.edu.my

HAKCIPTA TERPELIHARA

Terbitan Buletin ACIS ini diterbitkan sebulan sekali

Peranan Pemimpin Sebagai Pentarbiyah Utama

Oleh : Nor Saadah Binti Musa
(Pensyarah ACIS UiTM Kampus Seremban)



➔ *Pendahuluan*

Pemimpin merupakan tunggak utama dalam masyarakat. Pemimpin yang baik mempunyai kesedaran yang tinggi mengenai tanggungjawab dan amanah terhadap rakyat. Tidak cukup sekadar menerapkan pendidikan agama terhadap rakyat, pemimpin juga berperanan penting dalam mencorakkan sesebuah masyarakat. Pemimpin yang baik adalah pemimpin yang menjadikan al-Quran dan al-Sunnah rujukan utama pemerintahannya. Tidak ada hukuman dan undang-undang yang lebih baik dan sempurna untuk manusia selain peraturan yang telah ditetapkan oleh Allah SWT.

Pemimpin yang memahami dan menghayati konsep tersebut pasti berupaya mendidik dan mengurus tadbir rakyatnya dengan baik. Tarbiyah tidak cukup hanya di institusi pendidikan sahaja, ia perlu didokong oleh setiap pemimpin masyarakat.

Tarbiyah perlu disistemkan secara bersepadu.

➔ *Peranan golongan ulama'/ilmuwan*

Dalam mencegah kemungkaran, selain perlu didikan, manusia amat memerlukan pimpinan. Sewaktu Baginda Rasulullah SAW masih hidup, bagindalah yang menjadi pemimpin dan memimpin manusia secara langsung. Apabila baginda telah wafat, tugas memimpin umat terus disambung oleh Khulafa' al-Rashidin dan para sahabat yang lain, seterusnya diwarisi oleh para ulama terkemudian. Oleh itu peranan ulama untuk memimpin umat amatlah penting. Ulama kini perlu berusaha lebih proaktif agar diri mereka menjadi contoh atau role model bagi masyarakat.

Dengan adanya role model inilah masyarakat berupaya mendidik diri, berpeluang meniru dan menjalankan kehidupan yang bersih daripada kemungkaran dan kejahatan. Akhlak

biasanya lebih membekas daripada bercakap. Apabila sudah terbiasa dengan kehidupan dan persekitaran yang baik, mereka tidak lagi tergoda dengan anasir negatif untuk melakukan jenayah.

Malangnya generasi kini lebih kenal dan senang menjadikan para artis sebagai teladan. Mereka sangat kurang mengenali golongan-golongan berilmu. Tanpa pimpinan, biasanya seseorang yang sudah disedarkan dengan dakwah dan diasuh dengan pendidikan, mudah hanyut semula mengikut arus kemungkar. Para ilmuwan di negara ini perlu lebih kreatif dalam mendidik masyarakat.

Kaedah mendidik masyarakat bukan hanya tertumpu kepada kuliah atau ceramah umum sahaja bahkan mereka perlu turun ke lapangan masyarakat, bertemu golongan sasaran, bergaul dan mendekati mereka. Penulisan yang mendidik masyarakat perlu diperluaskan secara konsisten. Penguasaan terhadap teknologi juga perlu ditingkatkan supaya masyarakat lebih mudah berinteraksi dengan para ilmuwan agama dan lebih cepat terdidik. Peranan ini bukan sekadar tertumpu kepada ilmuwan Islam yang menjawat jawatan di mana-mana institusi bahkan perlu didokong secara bersama oleh

golongan profesional yang mempunyai kesedaran dan tarbiyah Islam seperti NGO-NGO Islam, tokoh-tokoh masyarakat, para pendakwah dan seumpamanya.

Peranan golongan umara”

Rasulullah SAW bersabda:

مَا مِنْ أَمِيرٍ يَلِي أَمْرَ الْمُسْلِمِينَ ثُمَّ لَا يَجْهَدُ لَهُمْ وَيَنْصَحُ إِلَّا لَمْ يَدْخُلْ مَعَهُمُ الْجَنَّةَ

“Tidaklah seseorang pemimpin yang menjaga urusan umat Islam, kemudian tidak membela rakyatnya dengan bersungguh-sungguh dan tidak juga bersikap tulus membimbing mereka melainkan ia tidak akan masuk Syurga bersama rakyatnya.” (Hadis Riwayat Muslim, 1/345, no. 205. 9/354, no. 3410)

Imam al-Qadhi ‘Iyadh rahimahullah berkata, “Ini adalah peringatan keras terhadap para pemimpin yang berlaku khianat terhadap urusan umat Islam, sedangkan Allah Ta’ala telah memberikan kepercayaan kepadanya untuk mengatur urusan mereka, menegakkan kemaslahatan agama dan dunia mereka. Jika seseorang pemimpin berkhianat dan tidak bertanggungjawab terhadap apa yang telah diamanahkan kepadanya, tidak memberi nasihat, tidak memberikan ilmu yang perlu mereka ketahui, tidak membela dan tidak menghalang mereka dari sesuatu perkara yang salah, mengabaikan hak-hak mereka, tidak menegakkan hukum, tidak menjaga keamanan, tidak membantu mereka dari ancaman musuh-musuh Islam, tidak berlaku adil kepada mereka, maka pemimpin tersebut telah berlaku curang kepada mereka (rakyat).

Apa yang disabdakan oleh Nabi Shallallahu ‘alaihi wa Sallam tersebut ada-



lah peringatan (untuk para pemimpin) supaya tidak berlaku curang dan khianat terhadap urusan umat Islam kerana perkara tersebut merupakan dosa besar yang dapat membinasakan serta menjauhkannya dari Syurga. Wallahu a'lam." (an-Nawawi, Syarah Shahih Muslim, 2/166)

Jelas dapat dilihat daripada huraian dan perincian hadis di atas, pemimpin wajib sedaya mungkin berusaha memenuhi keperluan asas rakyatnya. Keperluan tersebut merangkumi pemeliharaan terhadap lima perkara asas dalam Maqasid Syariah iaitu agama, nyawa, akal, maruah dan harta. Sekiranya keperluan asas rakyat dilaksanakan sebaik mungkin, maka tiada alasan lagi untuk rakyat bebas melakukan kemungkaran. Sebagai contoh, apabila kebajikan rakyat dijaga dengan bersungguh-sungguh maka rakyat wajar dihukum dengan hukuman yang berat jika masih ada yang sengaja mencuri.



Kepimpinan yang baik sangat berkesan dalam membantu membanteras permasalahan sosial ini. Bukan sekadar pemimpin yang mesra rakyat bahkan termasuk dalam perbahasan hadis di atas adalah pemimpin yang berusaha menjaga

kebajikan rakyatnya, bersikap adil dan mentadbir rakyat berpandukan syariat Allah.

Seterusnya, pemimpin berperanan menutup sedaya mungkin ruang yang terbuka untuk manusia melakukan dosa dan maksiat. Hal demikian merupakan kewajipan utama bagi setiap pemimpin yang diamanahkan padanya kuasa mentadbir. Kaedah ini dinamakan Sad al-Dzari'ah. Kaedah ini bertindak sebagai ikhtiar menutup segala ruang dan jalan yang membawa manusia kepada kemungkaran yang nyata. Contohnya, seorang pemimpin berkuasa mengenakan peraturan supaya wanita muslim wajib menutup aurat dan wanita bukan Islam berpakaian sopan apabila keluar ke tempat-tempat awam. Hal demikian juga merupakan suatu langkah yang proaktif dan berkesan dalam mengurangkan masalah sosial di Negara ini. Pakaian wanita yang menjolok mata antara punca utama mengundang kepada maksiat yang lebih besar seperti zina, rogol, sumbang mahram dan sebagainya.

Nabi SAW bersabda;

أَلَا كُنْتُمْ رَاعٍ وَكُنْتُمْ مَسْئُولٌ عَنْ رَعِيَّتِهِ فَالْأَمِيرُ الَّذِي عَلَى النَّاسِ رَاعٍ عَلَيْهِمْ وَهُوَ مَسْئُولٌ عَنْهُمْ وَالرَّجُلُ رَاعٍ عَلَى أَهْلِ بَيْتِهِ وَهُوَ مَسْئُولٌ عَنْهُمْ وَالْمَرْأَةُ رَاعِيَةٌ عَلَى بَيْتِ بَعْلِهَا وَوَلَدِهِ وَهِيَ مَسْئُولَةٌ عَنْهُمْ وَالْعَبْدُ رَاعٍ عَلَى مَالِ سَيِّدِهِ وَهُوَ مَسْئُولٌ عَنْهُ فَكُنْتُمْ رَاعٍ وَكُنْتُمْ مَسْئُولٌ عَنْ رَعِيَّتِهِ

Ibn umar r.a berkata : saya telah mendengar rasulullah saw bersabda : setiap orang adalah pemimpin dan akan diminta pertanggungjawaban atas kepemimpinannya. Seorang kepala negara akan diminta pertanggungjawaban perihal rakyat yang dipimpinnya. Seorang suami akan ditanya perihal keluarga yang dipimpinnya.

Seorang isteri yang memelihara rumah tangga suaminya akan ditanya perihal tanggungjawab dan tugasnya. Bahkan seorang pembantu/pekerja rumah tangga yang bertugas memelihara barang milik majikannya juga akan ditanya dari hal yang dipimpinnya. Dan kamu sekalian pemimpin akan ditanya (diminta pertanggung jawaban) darihal hal yang dipimpinnya. (Riwayat Bukhari&Muslim)

Rujukan

Al-Qur'an al-Karim.

Ibn Kathir, Abu al-Fida' Ismail b Umar b Kathir al-Qurshi (2002), Tafsir al-Qur'an al-'Azim, Sami b Muhammad al-Salamah (ed.), 9 j. c. 2, Riyadh: Dar al-Taibah.

Al-Qurtubi, Abu 'Abdullah Muhammad b Ahmad al-Ansari (2002), Al-Jami' Al

-Ahkam Al-Quran, Hisham Samir al-Bukhari (ed.), 10 j, Beirut: Dar al-Ihya' al-Turath al-'Arabi.

Al-Nawawi, Muhyiddin Yahya b Sharaf Abi Zakaria al-Nawawi (2003), Sahih Muslim bi Sharh Imam al-Nawawi, 9 j. c. 7. Beirut, Lubnan: Dar al-Ma'rifah.

Ibn hajar, Ahmad b 'Ali b Hajar Al-'Asqalani (2000), Fath al-Bari Sharah Sahih al-Bukhari, 13 j. Riyadh: Dar al-Salam.

Berita Harian, bertarikh 13 September 2016

<http://muftiwp.gov.my/ms/bayan-linnas-cat/1032-bayan-linnas-siri-ke-84>

<http://facebook.com/mfadli11>

<http://unikversiti.blogspot.my/>



PROGRAM i-SiT 2018

Oleh : Siti Aishah Binti Sokhibul Fadil
(Pensyarah Kanan ACIS UiTM Kampus Kuala Pilah)



Rentetan dari hasil positif pelaksanaan program i-HACE pada tahun 2017, ACIS Kampus Kuala Pilah telah mengambil inisiatif meneruskan pendekatan yang sama dengan menganjurkan program “Islamic Sciences Of Innovation and Technology” (i-SiT 2018) pada 3 Mei 2018 (Khamis) dengan kelulusan dan peruntukan dari tabung TAPA UiTM Negeri Sembilan.



Program ini bertujuan untuk mempelbagaikan inovasi dalam kaedah pengajaran dan pembelajaran bagi kod kursus CTU211 dengan objektif untuk menggalakkan para pelajar mengaplikasikan ilmu yang telah dipelajari dengan meneroka ilmu dan maklumat secara global mengikut arus perkembangan teknologi yang mampu



memberi impak dalam pembelajaran sepanjang hayat. Seterusnya melatih pelajar menguasai kemahiran insaniah (softskill) dari aspek komunikasi di samping dapat menerapkan nilai tanggungjawab dan kerjasama dalam kumpulan untuk menyelesaikan tugas yang diberikan.



Program ini berkonsepkan pertandingan dokumentari video/video pendek bagi menilai pembentangan hasil kerja pelajar sebagai mana yang ditetapkan dalam silibus kursus. Seramai 96 orang pelajar diploma dari Fakulti Sains Gunaan (program AS114 dan AS116) di Kampus Kuala Pilah telah terlibat dalam program ini dan sebanyak 22 buah video yang inovatif dan kreatif telah berjaya dihasilkan berdasarkan tema

“Inovasi Sains Islam”.



Proses penilaian video tersebut telah diadili oleh 6 orang juri yang terdiri dari pensyarah ACIS UiTM Negeri Sembilan. Hadiah dan sijil pemenang turut disediakan kepada pemenang bagi kategori pembentang terbaik (lelaki dan perempuan), persembahan terbaik, inovasi video terbaik dan pemenang kategori emas, perak dan gangsa.

Program ini berakhir dengan majlis perasmian penutup dan penyampaian hadiah oleh Ketua Pusat Pengajian ACIS, Ustaz Hisam bin Satari sekitar jam 1.00 petang di DK200, Kampus Kuala Pilah. Alhamdulillah program ini telah berjalan



dengan jayanya dan diharapkan program seperti ini dapat diteruskan pada masa akan datang bagi menggalakkan para pelajar meneroka ilmu dalam bidang sains dan teknologi Islam sekaligus menzahirkan rasa minat mereka terhadap pengkajian dalam bidang tersebut. WaAllahu A'alam.

Lensa Sekitar Program Agama Anjuran UHEI Kampus Seremban

Oleh :
Sumber daripada Facebook
UHEI UiTM Kampus Seremban



Ceramah Ambang Ramadhan dan Majlis Doa Selamat khusus
untuk Ybhg PM Mohammad Nor (16 Mei 2018)




Majlis Tadarus al-Quran Perdana 1439 H
(28 Mei 2018)



Prog Bersahur bersama MB n9
(12 Jun 2018)



Prog Rewang Bubur Lambuk
Ramadan 1439 H
(23 Mei 2018)





Sekitar program World #QuranHour di
UiTM Cawangan Negeri Sembilan
Kampus Seremban (7 Jun 2018)



Talk Q&A Ramadhan disampaikan oleh
al fadhil Mohammad Faizul bin Abdan,
Pegawai Hal Ehwal Islam Kanan
(14 Mei 2018)



Adab Seorang Murid

Oleh : Mu'allim Bin Mohd Bakri
(Pensyarah Kanan ACIS UITM Kampus Seremban)

Imam al-Ghazali dalam karyanya *Bidayat al-Hidayat* turut menegaskan tentang adab seorang murid bersama gurunya adalah seperti berikut

PERTAMA

Mendahulukan dengan ucapan aluan dan salam, mengurangkan cakap di hadapannya.

KEDUA

Tidak berkata-kata dengan apa yang tidak ditanya oleh gurunya dan tidak bertanya melainkan setelah meminta izin terlebih dahulu

KETIGA

Jangan menyanggahnya dengan berkata 'telah berkata seseorang pandangan anda (guru)', jangan tunjukkan kepada guru pandangan yang berbeza dengannya (seolah) menggambarkan dia lebih tahu akan kebenaran daripada gurunya

KEEMPAT

Jangan bertanya kawan-kawannya dalam majlis gurunya (majlis ilmu)

KELIMA

Jangan memalingkan muka ke mana-mana bahkan hendaklah menghadap matanya tetap dan beradab seakan dalam solat

KEENAM

Jangan mempersoalkan dengan soalan yang banyak ketika dia jemu

KETUJUH

Jangan bersangka buruk dengannya pada amalan zahirnya yang mungkin nampak tidak benar baginya (murid) kerana dia (guru) lebih mengetahui rahsiannya dan ingatlah ketika itu (kisah Nabi Musa dan Nabi Khidir a.s)